

թր: Առաջինը այս հարցով զբաղուեց A. Baschet\*), որ գրում է.

«Չկայ ոչինչ աւելի ստոյգ, քան մանրամասնութիւններից շատը, որ նա պատմում է կամ որոնց մասին նա յիշում է: Վենետիկի Տըրիէստի հիւպատոս Մարկ Մոնտիի կողմից նրան ցոյց տրուած բարեհաճ ընդունելութիւնը. վերջինիս առաջարկութիւնը տալ Կազանովային խիստ փափուկ ու նուրբ մի յանձնարարութիւն, որ վերաբերում էր հայ վարդապետներին, որոնք հեռացել էին Վենետիկից եւ որոշել էին Տըրիէստում հաստատել հայկական տպարան, որ շատ վնասակար էր համարուում Վենետիկի հանրապետութեան շահերի համար, եւ, վերջապէս, այդ առթիւ Ինկուիզիտորների եւ հիւպատոսի միջեւ ծագած զբաղրութիւնը»...

«Չափազանց ձանձրալի կը լինէր, — շարունակում է Բաշէն, — այդ վաւերագրի թարգմանութիւնը եւ նրանց թուումն իսկ հազիւ թէ որեւէ հետաքրքրութիւն ներկայացնէ: Ասենք միայն, որ 1773 թ. Հոկտ. 27-ին, առաջին զեկուցադրից սկսած մինչեւ 1774 թ. Սեպտ. 18-ը, Կազանովայի Վենետիկ վերադառնալու օրը, թուով 19 աւելի կամ պակաս ընդարձակ զեկուցումներ են գրուած»:

Համարեա 40 տարի յետոյ, Կազանովայի հայերի մասին գրածներով զբաղուեց Տըրիէստի Ժ.Ղ. դարի պատմութիւնը ուսումնասիրող Կարլո Կուրիէլը, իր երկու աշխատութիւնների մէջ, Trieste Settecentesca, Palermo, 1922 եւ La Fondazione della Colonia Armena in Trieste (Archeografo Triestino, 1930):

Վերջին աշխատութեան մէջ Կուրիէլը մանրակրկիտ քննութեան է ենթարկել Կազանովայի զեկուցադրերը եւ օգտագործել է Վիեննայի Միսիթարեանների այս հարցին վերաբերող թէ բանաւոր բացատրութիւնները եւ թէ նրանց հաղորդած դիւանական տուեալները:

Օգտուելով այդ տուեալներից, այլ եւ Հ. Հ. Կապպելլիատիի, Թէոտորեանի եւ Ակինեանի արդէն յիշուած գրուածքների տուած տեղեկութիւններից եւ կը ջանամ ներկայացնել Մը-

իսիթարեան միաբանութիւնների բաժանման եւ Տըրիէստի միաբանութեան հիմնադրութեան, ապա Վիեննա փոխադրուելու պատմութիւնը:

Դժբախտաբար, Կուրիէլը իր աշխատութիւնների մէջ չի յիշել, որ Կազանովայի 1774 թ. 14 Յուլիս եւ 26 Օգոստոս զեկուցադրերը արդէն տպել է Bazzoni-ն\*), ապա նրա բոլոր զեկուցադրերը արուել են Կազանովայի յուշերի մի հրատարակութեան մէջ, իրրեւ յաւելուած\*\*): Չունենալով իմ արամադրութեան տակ Կազանովայի զեկուցադրերի ամբողջական բնագիրը՝ ես ստիպուած եղայ հետեւել Կուրիէլին, որի ուշադրութեան գլխաւոր առարկան Կազանովան է եւ ոչ թէ հայերը: Իսկ երբ զեկուցադրերի բնագիրն ընկաւ ձեռքս, իմ աշխատութիւնն արդէն պատրաստ էր: Ամբողջ զբոլուածքը նոր վերամշակութեան ենթարկելու քաջութիւնը չունենալով՝ ես, այնուամենայնիւ, Կուրիէլի քաղած մասերի մէջ Կազանովայի զեկուցադրերից մտցրի այդ ամէնը, որ ինձ թուաց արժէքաւոր:

\* \* \*

Միսիթարեան միաբանութեան հիմնադրութիւնը Պոլսում անցաւ մեծ դժուարութեամբ, որովհետեւ ե՛ւ տեղը, ե՛ւ ժամանակը բնաւ չէին համապատասխանում Միսիթարի առաջադրած նպատակներին: Կ. Պոլսի հայ ազգաբնակչութիւնը բաղկացած էր երկու խմբից: Մնայուն բնակչութիւնը, որ վաղուց ի վեր ապրում էր այնտեղ, հաշուում էր 80,000 հոգի, կամ մօտաւորապէս այդքան: Դրանք մեծ մասամբ այն ընտանիքներն էին, որ հաստատուել էին Պոլսում զեռ բիւզանդական կայսրների ժամանակ, մասամբ էլ վերջը եկած: Թուրքական նուաճումից յետոյ, կամենալով թուլացնել յոյների ազդեցութիւնը, սուլթանները աշխատում էին Պոլիսը բնակեցնել հայերով՝ արամադրելով նրանց յոյների եկեղեցիները եւ նոյնիսկ ամբողջ յունական թաղեր: Ինչպէս պատկերաւոր ոճով ասում է Երեմիա Չէլէբիին իր «Ստամպոլոյ Պատ-

\*) A. Baschet, Autenticiti de Memoiry de Y. Casanova (Le Livre, 1881 p. p. 48-49):

\*) Bazzoni, Le Annotazioni degli Inquisitori di Stato di Venezia, Nuovo Archivio Veneto, 1870, T. XI, p. p. 56—63.

\*\*) J. Casanova, Historia della mia Fuga. Milano, 1911.